

CONVENIO DE COLABORACION EMPRESARIAL ENTRE CONSEJO REGULADOR DE LA DENOMINACIÓN DE ORIGEN RIBEIRO E A FUNDACION CIDADE DA CULTURA DE GALICIA CON MOTIVO DA EXPOSICIÓN CON FÍO EN GALICIA

Santiago de Compostela, a 13 de abril de 2016

Dunha parte a **FUNDACION CIDADE DA CULTURA DE GALICIA**, con domicilio social en _____, e provisto do NIF _____. Constituída o día 27 de decembro de 1999, ante o notario do Ilustre Colexio de Coruña don José Antonio Montero Pardo, con número de Protocolo 2825. A Fundación está inscrita no rexistro de fundacións de interese galego co número 73 (2001/1).

Está representada neste acto por _____, na súa condición de Directora Xerente, conforme aos poderes outorgados ao efecto polo Padroado da Fundación _____.

E doutra parte, **CONSEJO REGULADOR DE LA DENOMINACIÓN DE ORIGEN RIBEIRO (en diante a “CRDO RIBEIRO”)**, con domicilio social en _____, e provista do Número de Identificación Fiscal _____, constituída mediante orden do 6 de decembro de 1956.

Está representada neste acto por _____ en calidade de _____, con DNI _____ quen actúa mediante facultades de representación conforme aos poderes outorgados ao efecto pola Consellería do Medio Rural e do Mar (_____)

As partes, segundo interveñen, se recoñecen, mutua e reciprocamente, a capacidade legal necesaria e a representación suficiente para formalizar o presente convenio de Colaboración (o “**Convenio**”), e ao efecto

EXPONEN

I.- Que a **Fundación Cidade da Cultura de Galicia** foi constituída o 27 de decembro de 1999, mediante escritura pública outorgada ante o Notario de Santiago de Compostela, Jose Antonio Montero Pardo, co número 2825 do seu protocolo, como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución.

Mediante a Orde da Consellería da Presidencia, Relacións Institucionais e Administración Pública do 11 de xaneiro de 2000, (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta consellería co número 73.

Esta Fundación Cidade da Cultura de Galicia forma parte do sector público da Comunidade Autónoma de Galicia. Na actualidade está adscrita á Consellería de Cultura, Educación e Ordenación Universitaria que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación.

II.- Que a Fundación Cidade da Cultura de Galicia, en cumprimento dos seus obxectivos fundacionais, dentro do seu programa de exposicións, inclúe a organización, desenvolvemento ou apoio de eventos culturais de interese para a difusión da Cidade da Cultura de Galicia, entre os que se atopa a exposición temporal “**CON FÍO EN GALICIA**” que permanecerá aberta ao público entre de marzo e setembro de 2016 no Museo Centro Gaiás.

A exposición *Con Fío en Galicia* terá lugar no Museo Centro Gaiás, da Cidade da Cultura de Galicia en Santiago de Compostela, e ten prevista a súa inauguración o 11 de marzo de 2016 e a súa clausura o 11 de setembro de 2016.

Chamado a ser un referente arquitectónico do século XXI, o Museo Centro Gaiás é un dos edificios máis singulares e con máis posibilidades de uso da Cidade da Cultura, que aspira a convertese nun centro expositivo de referencia.

Galicia ocupa un lugar propio na historia mundial da moda. Grandes deseñadores e unha industria global, froito dunha longa tradición téxtil, así o acreditan. A aparición nos anos oitenta e noventa de deseñadores como Adolfo Domínguez e a súa *la arruga es bella*, Roberto Verino, Antonio Pernas ou o grupo 'Galicia Moda' (Gene Cabaleiro, Florentino, Unicen, Caramelo...) marcarán as décadas douradas da moda galega, protagonismo compartido co desenvolvemento dun próspero tecido empresarial que atopará o seu máximo exponente en Inditex, hoxe primeiro grupo téxtil do mundo.

Xunto a esta visión máis contemporánea, a exposición ofrecerá tamén un percorrido cronolóxico sobre a historia da vestimenta e da súa confección en Galicia desde a Prehistoria ata a actualidade.

III.- Que CONSEJO REGULADOR DE LA DENOMINACIÓN DE ORIGEN RIBEIRO, constituída mediante orden do 6 de decembro de 1956, ten como principais obxectivos amparar e protexer os produtos desta zona vitícola así como fomentar e controlar a calidade destes, a defensa da denominación, a aplicación do seu regulamento e a vixilancia do seu cumprimento, así como a promoción e o fomento da comercialización.

O Consello Regulador controla todas as fases de produción dos viños acollidos á Denominación de Orixe garantindo ao consumidor as condicións organolépticas e físico-químicas do produto mediante a correspondente precinta de denominación de orixe.

IV.- Que CRDO RIBEIRO mantén e desenvolve unha importante actividade económica na Comunidade Autónoma de Galicia e recoñece a importancia da difusión De Con fío en Galicia, e a tal fin desexa colaborar na súa realización, promoción e difusión, así como as das súas actividades de dinamización, mediante a achega en concepto de doazón pura, simple e irrevogable, en consonancia coa súa política social corporativa, de forma altruísta, e sen contraprestación ningunha da cantidade que se referencia ulteriormente na cláusulas do presente convenio.

Que, en virtude das consideracións anteriores, ambas as dúas partes acordan a firma do presente acordo, de acordo coas cláusulas seguintes;

CLAUSULAS

Primeira. - Obxecto. Contido e alcance

O presente Convenio ten por obxecto regular os termos e condicións da colaboración de ambas entidades, con motivo da exposición "Con Fío en Galicia" que terá lugar no Museo Centro Gaiás da Cidade da Cultura de Galicia entre os meses de marzo a setembro de 2016.

Co fin de alcanzar o devandito obxecto, CRDO RIBEIRO asume o compromiso de efectuar a achega económica que se indica na cláusula terceira seguinte para a promoción, divulgación, apoio e mecenazgo á celebración da exposición Con fío en Galicia e das súas actividades de dinamización.

Pola súa banda, a FUNDACIÓN CIDADE DA CULTURA DE GALICIA, se compromete a:

- a) aplicar a achega económica ás actividades e nos termos recollidos nos parágrafos anteriores.
- b) difundir e facer constar, de forma visible, a colaboración prestada por CRDO RIBEIRO nas comunicacións ou publicacións en que difunda información relativa ás actividades desenvolvidas coa colaboración de CRDO RIBEIRO , todo iso, nos termos que se indican na cláusula cuarta seguinte.

Segunda. - Duración

O presente Convenio terá unha duración ata a data de finalización da exposición, estando expresamente prohibidas as prórrogas expresas ou tácitas. Todo iso, sen prexuízo do recoñecemento da capacidade e competencia da Fundación respecto da posible ampliación do prazo de apertura ao público da exposición se o considera oportuno.

Terceira. - Aportación económica

A empresa CRDO RIBEIRO comprométese a entregar a FUNDACIÓN CIDADE DA CULTURA DE GALICIA unha achega económica en metálico con carácter de **doazón de 1.000 euros (MIL EUROS)**, a ingresar no prazo de 1 (un) mes dende a sinatura do convenio, e en todo caso, dentro do período de vixencia do convenio, na conta número , titularidade da Fundación Cidade da Cultura de Galicia.

Unha vez recibida a referida achega económica, a FUNDACIÓN CIDADE DA CULTURA DE GALICIA expedirá a favor de CRDO RIBEIRO unha certificación acreditativa da achega realizada, nos termos do establecido na Lei 49/2002, de 23 de decembro, do Réxime Fiscal das Entidades sen Fins Lucrativos e dos Incentivos Fiscais ao Mecenado e do seu Regulamento de desenvolvemento.

Cuarta.- Difusión da participación do colaborador

En tanto dure o presente convenio de colaboración, a difusión da participación de CRDO RIBEIRO nas actividades da CIDADE DA CULTURA DE GALICIA levarase a cabo nos seguintes termos:

- A FUNDACIÓN CIDADE DA CULTURA DE GALICIA comprométese a difundir a participación e colaboración de CRDO RIBEIRO mediante a inserción da súa marca, denominación social ou logos en cantos rótulos, impresos, catálogos, selos, propaganda e en calquera outra información que se publique ou edite en relación coas actividades desenvolvidas coa colaboración de CRDO RIBEIRO . A estes efectos, CRDO RIBEIRO facilitará á FUNDACIÓN CIDADE DA CULTURA DE GALICIA o modelo de marca ou logotipo que deba ser difundido e a FUNDACIÓN CIDADE DA CULTURA DE GALICIA axustarase en todo caso e calquera que sexa o material que no que se insira, o deseño facilitado por CRDO RIBEIRO .

- A FUNDACIÓN CIDADE DA CULTURA DE GALICIA comprométese a que sexa mencionada a colaboración do Colaborador en todos os actos de difusión referidos á actividade.

- CRDO RIBEIRO poderá facer pública a súa participación nas actividades de FUNDACIÓN CIDADE DA CULTURA DE GALICIA, baixo a denominación de Entidade Colaboradora de FUNDACIÓN CIDADE DA CULTURA DE GALICIA.

En todo caso, a difusión da participación de CRDO RIBEIRO nas actividades da FUNDACIÓN CIDADE DA CULTURA DE GALICIA limitarase ao uso dos seus logotipos ou signos distintivos, quedando expresamente excluída deste convenio a publicidade, ou a difusión de calquera produto ou servizo que poida prestar o Colaborador.

Quinta.- Propiedade intelectual

En ningún caso as cláusulas do presente convenio supoñen a cesión ou transmisión de calquera dereitos de propiedade intelectual ou industrial titularidade de CRDO RIBEIRO .

O uso non autorizado, ou para un fin distinto ao pactado no presente convenio por parte da FUNDACIÓN CIDADE DA CULTURA DE GALICIA de calquera signo distintivo protexido polos dereitos de propiedade intelectual ou industrial ou intelectual de CRDO RIBEIRO , facultará a esta para instar a resolución do presente Convenio, en cuxo caso, a FUNDACIÓN CIDADE DA CULTURA DE GALICIA comprométese a restituír a CRDO RIBEIRO o importe das achegas realizadas e, todo iso, sen prexuízo da correspondente indemnización de danos e prexuízos a que houber lugar.

Sexta. - Causas de resolución

O presente Convenio poderá resolverse por calquera das seguintes causas:

- Por mutuo acordo das partes. As cantidades que haxan de satisfacerse no seu caso, serán as que as partes conxuntamente determinen no acordo de resolución.
- Por incumprimento das obrigas das partes. Cando o Convenio se resolva por causas imputables a calquera das partes, a parte incumplidora haberá de reparar os danos e prexuízos que por tal motivo tiver causado á outra parte.
- Por denuncia das partes poñéndoo en coñecemento da outra, polo menos cun (1) mes de anticipación á data en que desexase deixalo sen efecto.

En todo caso, haberán de ser finalizadas as accións que no seu momento se achen en curso ou estea comprometida a súa realización.

Sétima. - Confidencialidade

As partes se obrigan a observar estrita reserva e confidencialidade sobre toda a información que, con ocasión do presente acordo, reciba unha sobre os negocios e asuntos propios da outra parte, entre o que expresamente se inclúen segredos comerciais, información significativa sobre clientes, sectores de actuación, plans de desenrolo, información técnica, información comercial e información de custos, que teñen a consideración, en cuanto ás súas especificacións ou características técnicas, de segredo comercial, obrigándose a non utilizar dita información en calquera forma ou finalidade allea ao estrito cumprimento do presente acordo. Dita obrigación se estende a cántas persoas ou empresas se contraten por calquera das partes na execución das prestacións do convenio, a cuxo efecto as partes do presente convenio se obrigan a poñer en coñecemento das mesmas a mesma idéntica obrigación de confidencialidade.

No suposto de que como consecuencia do cumprimento dalgunha norma de imperativo legal unha das partes, deba subministrar información respecto do presente Convenio ou relacionada coas actividades da outra parte, deberá comunicarllelo á maior brevidade posible e, de permitilo a normativa, antes de proceder á subministración da citada información pactando o contido da información que deba subministrarse, el sempre dentro dos termos permitidos pola normativa á que se estea a dar cumprimento.

Ao fin do presente convenio cada parte devolverá á outra todos os documentos -orixinais e copias- e material revelado ou cedido para a execución do acordado.

Oitava.- Tributos

Na execución do contido do presente convenio, cada parte soportará os tributos que se poidan percibir e sexan do seu cargo segundo a Lei.

Novena.- Natureza

O presente acordo ten a natureza prevista no artigo 25 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado, e que, en ningún caso, debe considerarse que persegue os fins dos contratos de patrocinio publicitario recollidos no artigo 22 da Lei 34/1988, do 11 de novembro, Xeneral de Publicidade.

Para todos os efectos, a difusión da participación do Colaborador na actividade da Fundación non constituirá unha prestación de servizos.

Décima.- Xurisdición e competencia

CRDO RIBEIRO e a FUNDACIÓN CIDADE DA CULTURA DE GALICIA comprométense a buscar a resolución de calquera conflito ou incidencia que puidese xurdir na interpretación ou execución do presente convenio de xeito amigable.

En caso de que non puidese ser resolto como antecede, o presente Convenio someterase á xurisdición dos Xulgados e Tribunais de Santiago de Compostela.

Undécima. - Notificacións

Todas as notificacións, requirimentos, peticións e outras comunicacións que haxan de efectuarse polas partes en relación co presente Convenio, deberán realizarse por escrito e será dirixida por calquera medio admitido en dereito que permita ter constancia da súa data, da súa recepción e do seu contido, ben por correo electrónico ou ben por correo postal ao domicilio da outra parte, considerándose entregada tres días despois do envío sempre que o remitente teña no seu poder o xustificante de envío.

E en proba de conformidade, asínase e rubrica o presente Convenio, por duplicado, e para un só efecto, no lugar e data do encabezamento.

Pola Fundación Cidade da Cultura

Por CRDO RIBEIRO

Beatriz González Loroño
Directora Xerente